

JUCANNU JUCANNU

Pisa pisedda

Culura di cannedda
Cannedda era fina
Di Santa Marina
Dda c'era 'na scala
'Na scala pi favuri
'Na pinna di picciuni
Nesci fora e vola ccà

Pina pinnella

Culuri di cannella
Cannella accussì fina
Ppi Santa Marina
Marina mulinaru
Di 'ncelu pisciau
Di scala, scaluni
Pinna e picciuni

Trenta quaranta

Tuttu u munnu canta
Rispunni la jaddina
Abballa signurina
S'affaccia a la finestra
Ccu la curuna 'ntesta
Frunti quatrata
E tè ccà 'na tumpulata

Chiovi chiovi chiovi

La jatta fa li provi
Lu succi si marita
Cu la coppula di sita
Nesci la cugnata
Cu la vesti arraccamata
Nesci lu Signuri
E fa spuntari u sulì

Chiovi chiovi chiovi

la jatta fa li provi
Lu succi si marita
Cu la coppula di sita
Nesci la cugnata
Cu la vesti arraccamata
Nesci lu patruni
Cu' li corna a pinnuluni

Campanedda nanna nanna

E c'è l'ancilu chi la sona
Sarvaturi chi la canta
Unni s'assettanu li Santi
E li Santi rosi e ciuri
Unni s'assetta lu Signuri
Lu Signuri a lu munti appari
Pi sunari tri campani

Tri campani su sunati

Viva viva Trinitati
Trinitati 'ntò cummentu
Viva viva u Sacramentu
Sacramentu a la badia
Viva viva Rusulia
Rusulia palermitana
Chiana e scinni a la funtana

E truvau beddu figghiolu

Tuttu vistutu d'argentu e oru
Ci mancava la cammisedda
Faccilla tu Mariuzza bedda
Ci la vogghiu arraccamari
Ci la vogghiu arrialari
Daccussì quannu è festa
Setti balati supra la testa.